

# Goibekokale

ELGETA / Barikua / 2004eko martxoaren 5a / 176. zenbakia

KOORDINATZAILEA: Irati Agirreazaldegia • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95



Martxoaren 20an, goizean trikitilariak izango dira eta bazkariaren ondoren bertsolariak eta baita ezustekoa ere.

ARTXIBOA

## Gaztetxearen urteurren ospakizunak abian dira

IRATI AGIRREAZALDEGI

Datorren martxoaren 20an, gaztetxeak zortzigarren urteurrena ospatuko du. Hori dela eta, Elgetako Gazte Asanbladako kideek hainbat ekitaldi antolatu dituzte hilabete honetarako. Besteak beste, kontzertuak eta hitzaldiak izango dira.

Zortzi urte beteko dira martxoaren 20an Elgetako gaztetxeak atak ireki zituela, eta urteurrena aintzat hartuta, ekitaldiak antolatu dituzte martxorako.

Bihar, martxoak 6, kontzertua izango da. 22:30ean hasita, Zea Mays bilbotarrek eta Iruñeko Leihotikan taldeak jardungo dute gaztetxean.

Martxoaren 8an, datorren astelehenean, Emakume Langilearen Nazioarteko Eguna dela eta, kontzentrazioa deitu du Gazte Asanbladak. Bilkura 20:00etan izango da, plazan, Emakumea bizirik lelopean.

Egun bera aitzakiatzat hartuta, martxoaren 12an, Lanbroa feminista taldeko kide batek hitzaldia egingo du gaztetxean,

20:00etan, eta horren ondoren, afari-merienda egingo dute.

### UMEEN EGUNA

Gaztetxean herriko gazteak elkartzen badira ere, umeei ere egin diete tokia egitarauan. Martxoaren 13an, goizean plazan bat egin eta Asentziara joango dira umek. Gero, bazkaldu eta eguna jolasen amaituko dute.

Elgetako gaztetxeak badu harremanik inguruko beste hainbat gaztetxekin. Hauen egoera zein den eta lana nola egiten duten jakiteko, mahaingurua antolatu dute martxoaren 18rako.

Egitaraua zabala da oso, eta, kontzertu eta hitzaldiez gain, antzerkirik ere ez da falta izango. 19an, Tearto taldeak *El feeling es asi* antzezlanaren egingo du.

*Kontzertuak,  
hitzaldiak eta  
bazkaria antolatu  
dituzte, besteak  
beste, martxorako*

Martxoaren 20an, urteurren egunean, goiza trikiti doinuz hasiko dute. Herri bazkaria izango da ondoren, eta bazkalostean, trikiti doinuez gain, bertsolariak izango dira, eta ezustekoren bat ere bai. Eguna biribiltzeko kontzertua egongo da, eta, besteak beste, Elorrioko Trapatoni Circus Bandek jardungo du.

Bestalde, martxoaren 27rako ere musika emanaldia dago iragarrita. Matxura eta Morau taldeek eskainitako kontzertuak izango dira.

### OSTIRALERO BILERA

Gazte Asanbladan 20 lagun inguru ibiltzen dira, eta ostiralero elkartzen dira gaztetxean, 20:00etan. Gainera, kideek esan digutenez, atak zabalik daude bileran parte hartzeko.

Gaztetxeak ahalik eta ekitaldi gehien antolatzen saiatzen dira urtean zehar. "Batez ere kontzertuak egin ditugu, baina pelikula emanaldiak, hitzaldiak, antzerkiak... ere izan dira gaztetxean. Aurrerantzean ere askotariko eremuak jorrazteko asmoa dugu", esan digu Gazte Asanbladako kide batek.

## ITURRIAK

### Seinalea, urik edan ezin daitekeen iturrietan

I.A.

Udalak Eusko Jaurlaritzako Osasun Sailetik gutun bat jaso du, ur sareari lotu barik dauden iturrien gainean. Gutun horren arabera, iturri horiek kartel edo seinalaren bat izan beharko lukete, herritarrei adierazteko bertako ura edateko txarra dela.

Herrian badira zenbait iturri ur sare publikoari lotutakoak, eta horietatik irteten den ura edateko ona da. Beste batzuek, ordea —baserri batzuen inguruan daudenak, esaterako—, ez daude lotuta sare horri, eta, horren ondorioz, ur hori edateko txarra da, edo, behinik behin, ez da gomenagarria edatea.

Hori dela eta, Eusko Jaurlaritzak gutun bat bidali dio Udalari, iturri horien aldamenen kartel edo seinale adierazgarriak ipin ditzan. Izan ere, Osasun Sailaren gutunaren arabera, herritarrek garbi izan behar dute zein ur den edateko ona eta zeinek egin dezakeen kalte.

Udalak berak ere ez daki zein iturritan ipiniko dituen kartelak. Horretarako, Eusko Jaurlaritzari eskatu diote jakinarazteko zein baldintza bete behar dituzten iturriek bertako ura edateko ona dela esateko. Gainera, horrela, gainontzekoak zerratu eta gero erabakiko dute zein iturri diren egokiak.

Udalak inoiz egin dituzten iturrietako uren analisiak. Gehienetan ura edateko ona dela dioen analisiaren emaitzak, baina udalaren udazkenera bitartean uraren kalitatea jaitsi egiten da lehorrean direla eta. Horren ondorioz, ura edateko txar bihurtzen da, besteak beste, ganaduaren hondakiturak direla medio.

Herri inguruan dauden iturri gehienek edateko ur ona ematen duten arren, badira beste batzuk zalantza sor dezaketenak. Izan ere, Lehenengo Errekan dagoen iturrira ur bila joateko ohitura dute elgetar askok. Baina bertako iturri hori ez dago sare publikoari lotuta; horrenbestez, ez da erabat ziurra bertako ura edateko ona den edo ez.



Herri inguruko iturri gehienak ur sare publikoari lotuta daude.

ELKARRIZKETA

ERIKA AZKONA/AEROBIK IRAKASLEA

“Aerobikeko monitorea oso saltseroa izan behar du”

I.A.  
**E**tenaren ostean, datorren martxoaren 8an hasiko dira aerobikeko eskolak. Udalak eskaintzen du zerbitzu hori, eta Erika Azkona gazte eskoriatzarra arduratuko da elgetarrei aerobikeko pausok erakustez.

Noiztik diharduzu aerobika egiten?

15 urte nituela hasi nintzen ikasle modura, eta orain, monitorea izateko titulua ateratzen dihardut. Gainera, Heziketa Fisikoko ikasketak egiten nabil, eta honek zerikusi handia du ikasten nabilenarekin. Gerora spinninga irakasteko asmoa ere badut.

Zer erakutsiko diezu Elgetako ikasleei?

Aerobikaz gain, beste hainbat ariketa fisiko mota irakatsiko dizkiet. Aerobika musikarekin koreografiak egitea da, pauso batzuk konbinatuz. Stepa aerobikaren parekoa da baina oinarri baten gainean egiten dena. Body pump delakoa pisuen bidez ariketak egitean datza. Tonifikazioa ere landuko dugu eta baita

GAP (Gluteoak, Abdominalak, Hankak) ere. Nire asmoa aste bakoitzean gauza ezberdinak egitea da, ikasleak ez aspertzeko. **Zein da zuretzat aerobikak duen alderik politena?**

Niri asko gustatzen zait dantza egitea eta baita jendearekin egotea ere, eta kirol honek horretarako aukera ematen du.

Zer behar du aerobik irakasle on batek?

Aerobikeko eskola batek, ona izan dadin, oso monitorea saltseroa behar du; bestela asko galtzen du eskolak.

Zer lantzen da gehien aerobik eskoletan?

Erresistentzia asko lantzen da, eta zenbait ariketa konkretu eginez baita hankak ere. Hori eskola bakoitzean aldatzen da.

Edozeinek egin dezake aerobika?

Hasieran zaila izan daiteke besoak eta hankak koordinatzea. Baina, berez, denoi zuzendutako kirola da, edozeinek egiteko modukoa.

Nola animatuko zenituzke elgetarrak zure eskoletara joateko?

Bi talde izango dira: gazte-txoena eta helduena. Gazteei esango nieke etortzeko, ongi pasako dutela eta. Helduek, berriz, hainbat arrazoi izaten dituzte etortzeko. Batzuek gorputza zaintzeko eta beste batzuek denborapasa. Ni euren asmoa betetzen saiatuko naiz. Gainera, esango nieke nik ez ditudala aerobikeko pausok bakarrik erakutsiko, eta gauza berriak ikasteko aukera eskainiko diedala.

Datorren astean hasiko dituzue eskolak. Pentsatu duzu zer egin lehen eskolan?

Batzuk lehendik aerobikean ibilitakoak dira. Beraz, baliteke lehen astean aerobikeko ariketak egitea. Baina agian body pump eskolak emango ditut ariketa berriak proba ditzaten. Oraindik ez dut erabaki.

“Aerobika irakasteak dantzarako eta jendearekin egoteko aukera ematen dit”



GOIATZ ARANA



Elurra kentzeko makinak lanean

Elurrak ondorio txarrak ekarri ditu herrira. Udaleko langileek gogor jardun dute asteburuan eta baita astean zehar ere, eta izan da 16 orduz jarraian lan egin duenik ere.

Herrian eze ezik aserri bideetan ere egin dituzte garbiketa lanak, eta Azurtzan, ez aurrera ez atzera geratu zen elurra kentzeko makina. Zakarrak batzen dituen kamioia ere ez da aste honetan eguenera arte pasatu./I.A.

LABUR

Elkarriren sinadura bilketa atzeratu egin zuten, eta zapatu honetan batuko dituzte

Bake Konferentziaren aldeko sinadurak jasotzekoa zen Elkarrir joan zen zapatuan Debagoienean. Baina elurra zihardueta eta jenderik apenas zebilen kaleran eta asmoa bertan behera geratu zen. Beraz, hitzordua atzeratu eta Elgetan bilketa bihar, zapatua, egingo dute 12:00etatik 14:00etara, plazan.

Aralar-Zutik koalizioak informazio mahaia ipiniko du domeka eguerdian plazan

Domekan, martxoaren 7an, Elgetako Aralarrek informazio mahaia ipiniko du plazan. Aralar-Zutik koalizioaren programak banatuko dizkiete herritarrei, eta bertan izango dira Elgetako Udaleko Aralarko zinegotziak. Aralartik esan digutenez, “inkesten arabera Gipuzkoan ordezkarria lortuko du Aralar-Zutik koalizioak. Euskal Herriko benetako ezkerrek Madrilen ordezkarria izateko aukerak badaude”.

JAR EZAZU  
HEMEN  
ZURE  
PUBLIZITATEA

Goibekokale



BOLINAGA  
METALAK

SALBADOR 7  
ELGETA 20690  
GIPUZKOA  
TEL: 943 76 80 64  
FAX: 943 76 83 01



PANA DE ROKUA  
TATETXEAL

- Eguneko menua
- Asteburuetan menu berezia
- Espezialitateak: babarrun-jana eta saihetsa

SALBADOR 10 ELGETA TEL. 943 76 82 73

## ERRETRATUZAHARRA

BERGARA

## Bergara, herri arteko pilota txapelkun

Aste honetako erretratua 1968. urteko irailekoa duzue. Bergara Kirol Elkarteko pilota sailak herri arteko txapelketa irabazi zuen egunekoak, hain zuzen ere. Izan ere, urte hartan lehenengo aldiz jokatu zen herri arteko pilota txapelketa, eta bergarar pilotariek jantzi zituzten txapelak, argazkian ikusten denez.

Finalak Azkoitiko pilotalekuan jokatu ziren irailaren 29an eta Bergara Urretxuri nagusitu zitzaion. Infantil, gazte eta senior mailetako neurketak jokatu ziren eta Bergarak 2-1 irabazi zion Urretxuri. Gazte mailako partidua bakarrik irabazi zuen Urretxuk.

Bergara KE ordezkatzuz, hauek izan ziren txapelkunak: Antxon Arazkonaga eta Juanjo Gonzalez infantil mailako bikotea, Jesus Angel Altuna-Alvaro Gallastegi gazte mailakoa eta, senior mailan, Txomin Garitano-Miguel Etxaniz bikotea.

Hona hemen argazkian azaltzen direnak, ezkerretik eskumara:

Zutik: Txomin Garitano, Miguel Etxaniz, Juanjo Gonzalez, Jesus Angel Altuna, Alvaro Gallastegi eta Antxon Arazkonaga.

Makurtuta: Luis Mari Garitano, Julio Askasibar eta Jose Mari Igartua.



## ADI, IRAKURLE!

Zure erretratu zaharra argitaratzea nahi izanez gero, zatoz BERRIGARa (Irizar jauregia, Barrenkalea 33) edo Elgetako kultura etxera. Zain gaituzu!

Argazkia: Bergara KE



DEBA  
GARAIA

ETXE ETA FINANTZA  
AGENTZIA

Bergara / Arrasate / Elgoibar  
Teleforo Aranzadi 2 behea  
943 76 21 80 / 943 76 06 37

GURIA  
Taberna

Bidekurutzeta 5  
BERGARA  
943 76 20 34

CAMACHO

Drogeria  
Usaindegia

Bidekurutzeta 24  
BERGARA  
943 76 13 35

PINTXOAK eta  
OGITARTEKOAK  
SEKULAKO MARTXA!!

EUXEBIO II

Irala z/g  
Bergara  
943 76 07 92



gizon & emakume

Barrenkalea 35  
BERGARA

MUJIKA FERRETERIA

BERGARAKO ENPRESA ETA HERRITARREN ZERBITZURA

Bidekurutzeta 8. 943 76 28 67. BERGARA

ETXAGI  
JATETXEA

AFARIAK, BATAIOAK,  
JAUNARTZEAK,  
EGUNEROKO MENUA,  
GOSARIAK,  
BAZKARIAK...

Masterreka, 8  
BERGARA  
943 76 53 12

MIZPILDI



OKINDEGIA

Matxiategi 1. 943 76 72 73. Mizpildi 8. 943 76 12 32. BERGARA


# Barceló



# Bidaiak



## Eskaintza bereziak Aste Santurako



SICILIA	265€
CROACIA	470€
PALMIRA-DAMASCO	820€
EGIPTO Bilbotik irteera	861€
SAINT LARY	35,75€
LANZAROTE	481€
TENERIFE	399€

Helbide berria: **IBARGARAI 8**

## SARRERA DOAN

Aste bukaerako  
plana zabal-zabalik

### Zozketa

Bi lagunendako afaria  
Diskoak  
Kontzertuak eta antzerkia

943 71 23 93  
UTZI MEZUA!

Eguenetan,  
20:30ean eta 22:30ean

Aurkezlea:  
Amagoia Lasagabaster



**Ikusiko  
duzu!**

SARRERA DOAN  
Laguntzaileak:  
Bilintx, Arteaga landetxea, Jade, Gili gili





# Indartsuago.

**Mundu-mailan estandar berri bat sortu da Espres-zerbitzuei, merkantzien garraioari eta logistikari dagokienez.**

DHL markapean bildu dira Guipuzcoana Euro Express, paketeen alorrean Europako buru dena, DHL Worldwide Express, aireko garraio espresentan munduko buru dena eta Danzas, aireko eta itsasoko zamen alorrean munduko buru dena. Honela are hobea den zerbitzu globala eskaintzeko. Modu honetan eskaintza, zerbitzu eta aukera gehiago jartzen ditugu zure eskura munduko 220 herrialde baino gehiagotan. Zure beharrak edozein direla ere, horiei erantzuna emateko prest gaude. Jar zaitez gurekin harremanetan eta DHLren indar osoa izango duzu zure negozioaren zerbitzura.

**DHL Express Bergara**  
San Juan Erreka 33  
20570 - Bergara  
Tel.: 943 763 642  
Faxa: 943 765 425

MUNDUA MUGITZEN DUGU 